



## Wā eo an COVID-19 im Kwe

*Juon melele kāāl kin wā ko relablok, wā in kakajur ko im wūno ko ñan bōbrae jen COVID-19  
Emōj lelok 1/13/2022, Emōj kōkkāāl 3/7/2022*

### Wā in COVID-19 ko relablok

OHA HIV/STD/TB Jekjon ej rōjañ bwe armij ro lalem aer yiō im rūtto im ewōr aer nañinmijin HIV im rar bōke ruo wā jen Pfizer/BioNTech ak Moderna ilo wā ko an COVID-19 ren bar bōke juon wā jab diklok jen 28 raan alikin wā eo aer kein karuo. Im bareinwōt, kim ej rōjañ bar juon wā lablok jen wā eo an Pfizer/BioNTech ak Moderna jen wā eo an COVID-19 jab diklok jen 28 raan alikin wā eo kein kajuon an J&J/Janssen.

Kim ej rōjañ bwe aoleb armij ro ewōr aer nañinmijin HIV ren maron bōke bar juon wā in COVID-19 im bwe armij ro ewōr aer nañinmij kein emōj laajrak ijin lal ren aikuj bōke bar juon wā in COVID-19 eo elablok einwōt mōttan wā ko aer jinoin. Katak ko rej kwalok ke armij ro kin nañinmij kein laajrak ilo ien aer wā rej aikuj bar wā ko jet ñan an enbwinnier kōmmame kein bōbrae jen COVID-19.

- Rejab bōk jibañ in kōmadmōd HIV
- Ewōr kakōlkōl ko an nañinmij in HIV
- Ewōr aer kar bōnōbōnin CD4 kin < 350 cell ko/mL
- Ewōr aer nañinmij elab ikijen HIV (einwōt lyphoma, Kaposi sarcoma, ak cancer ko an kora ak kimwirmwir) ilo an ejellok lablok eo ekkar kin bōnōbōnin CD4 alikin aer jinoe juon kōmadmōdin HIV
- Ewōr juon nañinmij emaron walok (einwōt pneumocystis pneumonia [PJP ak PCP], cryptococcal meningitis, TB, ak toxoplasmosis) ilo an ejellok lablok eo ekkar kin bōnōbōnin CD4 alikin aer jinoe juon kōmadmōdin HIV
- Rej bōk jibañ in kōmadmōd cancer
- Rar bōk jibañ in kōmadmōd kin an mojno cell ko rej manman nañinmij ak mwijmwij in jolok ak kōlaak jenkwān in kobban enbwin
- Bōke wuno ko rej kakajur jikin bōbrae eo an enbwin (einwōt joñan wuno ko relab kin prednisone, methotrexate, Humira, ak Remicade)
- Ewōr aer nañinmij in kitini ej aikuj aer liklik
- Juon armij eo erūttolok jen 65 an yiō

## Wā in Kakajur eo an COVID-19

Oktak eo jen wā ko jet im rej jibañ an enbwin kōmmane kein bōbrae, wā in kakajur ko rej kejbarok kein bōbrae ko jej bōki jen wā ko relab joñaer im kajur. Kim ej rōjañ bwe aoleb armij ro 12 aer yiō im rūttolok im rar bōke wā in kakajur an COVID-19 jab diklok diklok jen 3 allon ālikin aer bōke wā eo āliktata jen wā ko an mRNA (Pfizer/BioNTech ak Moderna). Kajojo armij ro rej bōke wā eo an J&J/Janssen emōj rōjañ aer bōke juon wā in kakajur kin wā eo rekōnaan jab diklok jen ruo allon alikin wā eo aer aliktata (emmonlok am bōke juon wā in kakajur an mRNA.) Wā ko jinoin ekoba jabdewōt wā ko relablok jen wā eo an COVID-19 einwōt emōj kōmelele ilo eoon eo kein kajuon ijin loñ.

Wā in kakajur ko raurok kinke rej lewaj kejbarok jen oktak in COVID-19 eo im ej Omicron im ej kadiklok uwōta jen [lablok in nañinmijin COVID-19 ko](#) im emaron lablok aer ekkā ibben armij ro ewōr aer nañinmijin HIV.

Kwōmaron kōjerbal kein kajinet eo laajrak ñan jibañ am lale wā ta ko kwōn bōki im ñaat eo kwōn bōki ekkar ñan wā eo kwar bōke kein kajuon. Ñe ewōr am kajitōk kin wā ta eo kwōn bōke im ñaat, jab aliklik in kenono ibben taktō ro am.

## Melele in kajinet kin wā eo an COVID-19 ñan armij ro ewōr aer nañinmijin HIV

<b>Ñe kwar bōke wā ko 2 kein kajuon jen wā eo an Pfizer/BioNTech im kwōj:</b>	<b>Kim ej rōjañ am bar bōke juon wā jab diklok jen 28 raan ālikin am bōke wā eo am kein karuo ibben:</b>	<b>Im juon wā in kakajur jab diklok jen 3 allon ālikin wā eo am āliktata ibben:</b>
Ro 5-11 aer yiō	Pfizer-BioNTech	Wā in kakajur ko rejañin kōmelim
Ro 12-17 aer yiō	Pfizer-BioNTech	Pfizer-BioNTech
18 yiō im rūttolok	Moderna ak Pfizer/BioNTech	Moderna ak Pfizer/BioNTech
<b>Wā ko kein kajuon</b>		<b>Wā in kakajur</b>

<b>Ñe kwar bōke 2 wā ko jen wā eo an Moderna kein kajuon im kwōj:</b>	<b>Kim ej rōjañ am bar bōke juon wā jab diklok jen 28 raan ālikin am bōke wā eo am kein karuo ibben:</b>	<b>Im juon wā in kakajur jab diklok jen 3 allon ālikin wā eo am āliktata ibben:</b>
18 yiō im rūttolok	Moderna ak Pfizer/BioNTech	Moderna ak Pfizer/BioNTech
<b>Wā ko kein kajuon</b>		<b>Wā in kakajur</b>

<b>Kwar bōke 1 wā jen wā eo an J&amp;J/Janssen kein kajuon im kwōj:</b>	<b>Kim ej rōjañ am bar bōke juon wā jab diklok jen 28 raan ālikin am bōke wā eo am kein kajuon ibben:</b>	<b>Im juon wā in kakajur jab diklok jen 2 allon ālikin wā eo am āliktata ibben:</b>
18 yiō im rūttolok	Moderna ak Pfizer/BioNTech	J&J/Janssen, Moderna ak Pfizer/BioNTech. Rekōnaan am bōk Moderna ak Pfizer/BioNTech.
<b>Wā ko kein kajuon</b>		<b>Wā in kakajur</b>

## Wūno ko rej bōbrae jen COVID-19

Ilo Tijemba 8, 2021, FDA ear lelok juon kōmelim ñan kōjerbal ilo idin ien ñan wūno eo aitōk ien bōke, [Evusheld](#), ñan bōbrae jen nañinmijin COVID-19 ñan armij ro 12 aer yiō im rūttolok im ewōr aer nañinmijin COVID-19 ilo ien in ak rar kebaak COVID-19 ilo raan ko rej kab jemlok (einwōt kein jibañ bōbrae mokta jen kebaak nañinmij ñan ro ewōr aer nañinmijin HIV). Wūno in ej ñan armij ro emōjno an enbwinnier maron bōbrae jen nañinmij (einwōt ro ewōr aer nañinmij ko emōj laajrak ilo jekjon eo “Wā in COVID-19 ko relablok” ijin loñ) im enbwinnier ejab maron kōmman kein bōbrae jen nañinmij ālikin aer wā ñe ejab armij ro emōj aer kar bōk nañinmij ko rekawōtata ālikin aer bōke wā eo an COVID-19.

Ekoba ruo wūno iloan Evusheld im etannin antibody in monoclonal. Antibody in Monoclonal rej juon mōttan proten eo ej kōmman iloan jikin kakōlkōl im emaron kejbarok kij jen nañinmij ko. Ewōr ruo protein ko roktak iloan Evusheld im remaron bōbrae jen COVID-19. Rej lelok wūno in kin ruo wā ko rejenolok ñan iloan majel in enbwin juon ālikin doon im emaron lewaj kein bōbrae jen COVID-19 lok ñan 6 allon.

Kein bōbrae mokta jen am kebaak nañinmij kin Evusheld ejab binej jenkwam am bōk wā in COVID-19 ñan armij ro remaron tōbrak in bōk wā eo. Ilo tōrre in OHA ej jerbal ibben jikin ko rej lelok jibañ kin HIV ibelakin state eo ñan lolorjak ke armij ro ewōr aer nañinmijin HIV remaron bōke wūno in ilo aer jab aikuj kolla wonnen.

## Melele ko relablok

Ñan melele ko relablok kin nañinmijin COVID-19 im wā ko an COVID-19, ekoba ia eo jemaron wā, jouj im lale Kajitōk ko Rekut amim ilo webpage eo an OHA kin [COVID-19 im HIV](#) im peij eo an OHA [kin](#) wā eo an COVID-19. Melele eo ilo peba in ej lewaj lewaj melele ko relablok bōtab ejab melelein kwōnjab kenono kin taktō eo am kin wāween eo emmontata ñan am kejbarok jen COVID-19, ekoba bōke wā eo an COVID-19.

**Maroñ loe beba in:** Ñan armij ro im elōñ aer utamwe ak armij ro im rejelā juon bar kajin im ejab Kajin Belle, OHA emaroñ lelok melele ko ilo wewein ko jet einwōt ukok ko, jeje kileb, ak jeje ko an ribilo. Kebaak Jikin Bōk Melele kin COVID-19 ilo 1-971-673-2411, 711 TTY ak [COVID19.LanguageAccess@dhsosha.state.or.us](mailto:COVID19.LanguageAccess@dhsosha.state.or.us)